

鼻處香處舌處味處身處觸處意處法處如是乃至意識而生厭離如是厭離則非正行又復菩薩於聖道處非聖道處皆應積集成證大悲於諸險難非聖道處諸有情類令住正道於其道處亦不棄捨舍利子說此是為菩薩摩訶薩勝慧波羅蜜多之行而能獲得

因

七末

諸處善巧 又復云何名入解諦善巧此諦善巧復有四種所謂苦智集智滅智道智云何苦智謂不起蘊故是為苦智云何集智謂離愛集故是為集智云何滅智謂滅已不生故是為滅智云何道智謂於平等法無平等可得故是名道智若菩薩於此四諦如是

智慧而不作證成熟有情說此是為諦善巧又諦善巧復有三種所謂世俗諦勝義諦相諦云何世俗諦謂諸想像音聲語言文字乃至世間所行是為世俗諦云何勝義諦謂心無所緣況復文字是為勝義諦云何相諦謂諸相一相一相無相是為相諦彼菩薩於世

俗諦說無疲倦於勝義諦不失正行於相諦中隨順無相是真實相說此是為菩薩於諦善巧又復一諦此無二種所謂寂諦此實一諦於諸平等及不平等而能隨轉真妙作用而能獲得於諦善巧

佛說大乘菩薩藏正法經卷第三十四 因四

佛說大乘菩薩藏正法經卷第三十五 因五

西天譯經三藏錄卷第十卷光祿卿慈覺傳梵大師賜朱沙印法護等奉譯

勝慧波羅蜜多品第十一之三

復次舍利子菩薩摩訶薩獲得如是於諦善巧由此了知五蘊是苦若令五蘊苦相止息猶如虛空是苦聖諦又此五蘊隨感受見若

若受見

令執取愛見等因不起合集為集聖諦又此五蘊畢竟滅盡若令前際不生後際不起現在不住為滅聖諦若於苦智集智滅智而能證達以智相續能善調伏引趣正行為道聖諦又復於此諸諦現觀而能尋伺徧盡觀察是為菩薩摩訶薩於諦善巧又復了知諸受

是苦乃至受所引攝諸決擇智是為苦聖諦  
若因於受引生於合集如實了知是為集聖  
諦又若於受而得輕安則於受非受而復觀  
察非受是滅獲證於滅是為滅聖諦又若受  
所引道如彼世間積集進求非受非道令彼  
苦滅引趣正行是為道聖諦若見如是四諦

平等畢竟無見是為清淨是名菩薩摩訶薩  
於諦善巧又復於滅而起現證復能於若不  
生觀察是為苦智若有緣生於有離有是為  
集智了知一切生本不生滅無所滅是為滅  
智於如是道隨其種類尋求伺察令入其智  
是為道智若能安住如是諦智說此是為苦

薩摩訶薩於勝慧波羅蜜多之行獲諦善巧  
舍利子又復菩薩摩訶薩獲得四種正知善  
巧何等為四一者義正知二者法正知三者  
世間典籍正知四者辯才正知云何義正知  
謂若於法諸勝義句相續因智緣智集智通  
達無邊智入解緣起智分別法界智隨順入

解真如智不住實際智如實法空智伺察無  
相智於願無願智於行無行智入一正理智  
入解無我智解無眾生智了無壽者智無補  
特伽羅騰義智於過去世無障礙智於未來  
世無限量智於現在世徧一切處智於蘊幻  
化智於處決定空智於界度量智內身寂靜

智外無徧行智出離塵境智念無所住智達  
無所入智勝慧觀察智通達四諦智諸苦為  
有智諸集為行智諸滅無相智諸道出離智  
分別一切法句智善解諸根智諸力無能屈  
伏智奢摩他加持智毗鉢舍那光明智於諸  
幻化起變滅智於諸陽焰無迷亂智於諸夢

困五

二

境無實見智於諸谷響了緣生智於諸影像  
無合集智於種種相唯一相智於正和合無  
所合智於諸輕安無所得智於聲聞乘達言  
音智於緣覺乘解緣生智於最上乘積集一  
切善根智如是所說是為菩薩於義正知又  
復義正知者若於義隨順則諸法隨順彼所

隨義即諸法性所以者何以諸法義畢竟如  
空若義如空則諸法義畢竟無相若義無相  
則諸法義畢竟無願若義無願則彼法義無  
所趣證若義無所證則一切法義畢竟無壽  
者無補特伽羅若義無補特伽羅則於是義  
通達法相若說於義無任無盡於所說義而

獲證知諸佛世尊隨喜印可於彼勝慧如實  
正知若於勝慧如實正知則一切處無有過  
失說此是為菩薩於義正知云何名法正知  
謂於正法入解之智若善不善有過無過有  
漏無漏世間出世間有為無為染分淨分輪  
回涅槃法界智界本自平等無所覺悟說此

是為菩薩於法正知文復法正知者於彼貪  
行心能正知所謂虛假貪行堅固貪行微細  
貪行廣大貪行過去貪行無邊觀察現在貪  
行隨緣入解或復有情內貪而非外貪或復  
外貪而非內貪或復內貪亦外貪或非內貪  
亦非外貪或復色貪非聲貪聲貪非色貪色

困五

三

宋

貪亦聲貪色聲俱非貪色貪非香貪聲貪非  
香貪香貪非味貪味貪非觸貪乃至綺互於  
色聲香味觸貪行等如是非義利門入解二  
萬一千貪行二萬一千瞋行二萬一千癡行  
如是貪瞋癡二萬一千衆等分行如是所說  
入解八萬四千心行之智如其所說相應行

相智不增不減智越百欲界智殊勝法器智  
真實言說智說此是為菩薩於法正知云何  
世間典籍正知謂若入解一切聲智天聲龍  
聲夜叉聲乾闥婆聲阿脩羅聲迦樓羅聲緊  
那羅聲摩睺羅伽聲人聲非人聲而能入解  
五趣有情麤細高下說法連環相續不斷音

聲文字彼或說一說二說多男聲女聲非男  
非女聲廣說略說鄙陋說巧妙說過去說未  
來說現在說一字相應多字相應皆悉了知  
說此是為世間典籍

正知又復世間典籍正知者成熟於文明了  
於義離諸恐懼復無過失於世俗勝義以自

心知見甚深巧妙種種莊嚴令諸有情咸生歡喜說此是為菩薩於世間典籍正知云何菩薩辯才正知所謂言說無住無斷真實記別迅速辯才決定獲果辯才如其所問辯才無減失辯才無斷滅辯才無諍論辯才樂善法辯才任忍辯才甚深辯才善巧辯才世俗

勝義辯才建立一切布施持戒忍辱精進禪定勝慧辯才建立念處正斷神足根力覺支聖道奢摩佗毗鉢舍那辯才入解一切諦智定解脫三摩地三摩鉢底辯才悟一切乘辯才解一切有情心行辯才無嘗吃語言辯才無生濕語言辯才無雜亂語言辯才潤澤語

言辯才清淨語言辯才解脫語言辯才無障語言辯才尊重語言辯才慈愛語言辯才相應語言辯才無缺漏語言辯才甘美語言辯才細滑語言辯才無毀咎語言辯才稱讚諸聖語言辯才通達無邊刹土有情能以妙梵音聲隨一詮表如是辯才於佗有情補特伽

田五

四

未

羅能善說法佛乃印可彼若說法無出離者云何能得盡諸苦際成就正行舍利子說此是為菩薩摩訶薩於勝慧波羅蜜多之行而能獲得辯才善巧云何菩薩隨順善巧復有四種何等為四一者隨義不隨於文二者隨智不隨於識三者隨了義經不隨不了義經

四者隨法不隨於人何等為義云何為文謂若入解出世法行此說為義達世間法此說為文若於整肅施以妙樂此說為義於無戲論調伏制止此說為文若於輪回徧能稱說此說為義於無所得廣大開示此說為文若能普徧讚涅槃德此說為義於涅槃法體無

分別此說為文若於三乘分位如其開演此說為義智唯通達一種教理此說為文於諸有情開演布施此說為義三輪清淨此說為文若能宣演三業威儀積集一切頭陀功德此說為義於身語意清淨勝行皆不可得此說為文若能宣說堅固忍受忿恨惱嫉倨傲



憍慢此說為義得無生忍此說為文若能開演於諸善根踊躍精進此說為義於彼精進不入不住此說為文若能開演靜慮解脫等持等至此說為義滅等至智此說為文於諸善根多聞摠持此說為義義不可說此說為文若能開示三十七品菩提分法此說為義

五

五

若菩提分現證行果此說為文若能開示若集道諦此說為義現證滅諦此說為文若正開示無明為先乃至老死此說為義若無明滅乃至老死滅此說為文若說積集止觀此說為義明解脫智此說為文若能分別貪瞋癡等分類行法此說為義若於解脫心無所動此說為文若能開示諸障礙法此說為義若證解脫無障礙智此說為文若正開示善能稱讚無量三寶此說為義若離貪法性及無為功德此說為文若說菩薩最初發心習學功德乃至菩提道場此說為義說一心相與一切智智無上正覺乃至摠略八萬四千

法蘊相應此說為文又若一切音聲語言文字乃至不可說義俱說為義云何不了義經謂所說文如其所說廣大了知此說是為不了義經云何了義經謂所說義如其所說廣大通達此說是為了義經又說隨順補特伽羅無能出離是不了義如所說法即能出離

是為了義如是菩薩摩訶薩於勝慧波羅蜜多之行得隨順善巧云何菩薩文句善巧謂諸菩薩於此二法善能修行勝慧波羅蜜多云何二法一者善識二者善智何者為識依四種住何等為四一者識依色住二者識依受住三者識依想住四者識依行住此說為識何者為智謂若了知所取五蘊此說為智又若了知地界水界火界風界此說為識若復安住四種法界於其法界善能分別此說為智舍利子復說於識謂眼觀色為表耳聞聲為表鼻嗅香為表舌了味為表身覺觸為表意知法為表此說為識若復內身寂靜外

無徧行智能隨順法無所取此說爲智又若  
發起徧計執取此說爲識無執無取及表無  
瞋此說爲智又復了知識住生滅有爲行法  
此說爲識無爲無有識徧行故又智無爲不  
住生滅此說爲智云何了義不了義經謂若  
所說引趣於道是不了義引趣於果是爲了

四五

六

義說世俗行是不了義宣說勝義是爲了義  
引趣業行是不了義盡業煩惱是爲了義又  
復染分是不了義若說淨分是爲了義於彼  
輪回而作厭離是不了義於輪回涅槃悟不  
二法是爲了義善巧文句是不了義甚深難  
解是爲了義於諸文句心喜樂欲是不了義

於少文句而生決定是爲了義又復我人士  
夫命者意生儒童作者受者種種語言或有  
主宰及無主宰是不了義於空無相無願三  
解脫門不起我人士夫乃至補特伽羅是爲  
了義云何補特伽羅及法謂若於所有法安  
住補特伽羅見由起彼見而復安住法智法

界此說是爲補特伽羅及法又復補特伽羅  
者謂異生補特伽羅善異生補特伽羅順信  
補特伽羅順法補特伽羅八輩補特伽羅入  
流補特伽羅一來補特伽羅不還補特伽羅  
應供補特伽羅緣覺補特伽羅菩薩補特伽  
羅若一補特伽羅出現世間猶能引生多種

妙樂於彼世間天人衆會極深憐愍作諸善  
利何況如來應供正等正覺安住世俗爲一  
切補特伽羅令諸有情依如來所說音聲入  
解義利佛言此說是爲於法各各隨順樂欲  
引趣有情於義安住云何名法所謂無作無  
不作無任無不住於一切處本自平等悉同

四五

七末

依止又諸法相自性本空無有平等及不平  
等離諸分別無所攀緣而皆出離此說於其  
法性能隨順行得無退轉是故於此正理法  
門而得入解一切法性此說是爲菩薩摩訶  
薩於勝慧波羅蜜多而得成就四種隨順善  
巧云何菩薩福智善巧菩薩行門有其二種

何等為二一者福行二者智行云何福行所謂布施福行持戒福行修觀福行住等慈心大悲相應令諸有情悔諸過咎普令發起一切善根

佛說大乘菩薩藏正法經卷第三十五因五

佛說大乘菩薩藏正法經卷第三十六因六

五天譯經三藏錄青光祿大夫試光祿卿慈覺傳梵大師樂滿巨護筆彙譯

勝慧波羅蜜多品第十一之四

復次舍利子一切有學阿那含辟支佛於此福行應先發起如是勝心得不退轉一生補處次當作佛菩薩摩訶薩亦應於此發隨喜

用六

心過去未來現在諸佛世尊此福行中一切善根亦皆隨喜勸請諸佛轉妙法輪此福行中以一切菩提善根悉共回向未發菩提心者語令發起已發菩提心者諸菩薩為說回向以利養攝諸貧窮以醫藥施諸疾病於諸怯弱亦當親近為作憐愍於諸毀戒以法覆

護出離罪報令住涅槃於和尚阿闍黎尊重供養如佛世尊於講法處精進勇猛求諸法師設百由旬亦應故往樂聞正法而無厭足於說法者無所希望常當親近恭敬供養如己父母不生疲厭又福行中於身口意不主動亂離諸過失住佛塔廟攝受梵福集諸善

本圓滿相好莊嚴化身離諸占過莊嚴語業決定勝解莊嚴一心游戲神通莊嚴佛刹以清淨智莊嚴法相聞彼正法離諸障礙得無障礙於說法者歡喜稱讚於所說法不生執著亦無損壞如是莊嚴解脫法門以諸園林施佛及僧如是莊嚴佛菩提樹植諸善本憐

愍一切業感清淨得無生滅如是莊嚴菩提道場發無盡願施諸玩好獲得圓滿無盡寶手遠離擊蹙平等如掌樂施一切而先獲得面目端嚴後諸有情共喜樂見光淨嚴飾施諸有情而獲光明普照一切讚美言辭非由積習戒福德感悉皆清淨生人天中十善道